

հեացի գէպք ինչ՝ ազգ արասցեն մեզ, եւ մեք զարժանն տնօրինեսցուք: Սակայն զկնի առուրց ինչ՝ Հայք կամօք իւրեանց բարձին զերիս կանթեզսն՝ զմտաւ ածեալ զի մի առիթ լիցին ապագայ մեծի չարեաց եւ խռովութեանց՝ որպէս եղև իսկ:

Գ Լ Ո Ւ Խ Ժ Ը .

Գործ ձեզար Փաշայի : Ֆէլահք գեղջ Յովհաննու ծննդեան : Խռովութիւն Յունաց : Օթման Ապուղջ գիւղի : Ներութիւն ուխտաւորաց Ի ճանապարհի : Հագեառն Լաւողիկեայ : Գործ Մէհէմէտ Փաշայի Ապու Մերազ կոչեցելոյ . եւ բռնութիւնք նորին Ի Յոպպի :

ՅԵՏ փախտեան Ապու Մէրազ Մէհէմէտ Փաշայի եւ տիրելոյ բովանդակ երկրին ձեզար Փաշայի՝ հրաման ետ Յոպպեացւոց , շինել եւ նորոգել զաւերեալ տեղիս յերեսաց պատերազմաց , թէ առ նարոլիոնիւ՝ եւ թէ առ Մէհէմէտ Փաշայիւ , եւ թէ ողորոս Պատրիարք ձեռն արկ նորոգել զաւերեալ տեղիս Յոպպէի վանաց , եւ ՚ի տեղի փայտաչէն ծածկութից , մնացեալ ՚ի Գրիգոր Շղթայակրէ , ետ կառուցանել կամար քարուկիր ՚ի ձեռն Դազար վարդապետի Տեսչի տեղւոյն . զայն տեսեալ մաքսապետին եւ ումանց այլազգեաց՝ խափանեցին զգործն եւ կամէին քակել զշինուածն , զի չունիք ասէին հրաման ՚ի ձեզար Փաշայէ : Իսկ թէ ողորոս լռեցուցեալ զնոսա առ վայր մի՝ էառ գիր ՚ի դատաւորէն Երուսաղէմի՝ եւ ետ վերստին սկսանիլ ՚ի գործըն եւ գրեալ առ ձեզար՝ երեր հրաման եւս ՚ի նմանէ . այլ չվստահացեալ ՚ի նոյն , գրեաց ՚ի Բիւզանդիոն հանել հրովարտակ արքունուստ , զի մի յետոյ այլազգիք բռնասցին ՚ի վերայ իւր եւ իւրոցն :

ձեզար Փաշա ետ գրել ՚ի ձեռն Յոյն քահանայի միոյ յերուսաղէմ առ Հայս եւ առ Յոյնս՝ փութով առաքել առ ինքն 200,000 դահեկան , հանդերձ տարեկան սահմանեալ տրօք եւ ընծայիւք . ՚ի հասանիլ գրոյն սարսափեցան Յոյնք եւ Հայք , եւ խորհէին առաքել առ նա զմասն իրրեւ աղաչաւորս , բայց երկնչէին՝ զի մի խեղանդամ դարձցին